



Broj/Број: 01/2a-50-1-2-28/08
Sarajevo/Сарајево, 17. 6. 2008.

ZAPISNIK

28. sjednice Komisije za vanjske poslove Predstavničkog doma Parlamentarne skupštine Bosne i Hercegovine, održane 17. 6. 2008.

Sjednica je počela u 11 sati. Prisustvovali su članovi Komisije: Slavko Matić, Azra Hadžiahmetović, Milorad Živković, Husein Nanić, Sadik Ahmetović, Azra Alajbegović i Denis Bećirović. Odsustvo su najavili Milica Marković i Sefer Halilović.

Osim članova i privremenog sekretara Komisije, sjednici su prisustvovali i predstavnici resornih ministarstava.

Nakon uvodnog obraćanja predsjedavajući Slavko Matić otvorio je raspravu o dnevnom redu. U ovom dijelu sjednice Azra Hadžiahmetović dala je primjedbu u vezi sa istovremenim održavanjem sjednice Komisije za vanjske poslove i Proširenog kolegija Doma, zbog čega nije bila u mogućnosti prisustvovati 27. sjednici Komisije i zatražila da se ubuduće vodi računa o terminu zakazivanja sjednica.

Za sjednicu je jednoglasno usvojen sljedeći

DNEVNI RED

1. Usvajanje zapisnika 19. i 27. sjednice Komisije;
2. Davanje saglasnosti za ratifikaciju Sporazuma između Bosne i Hercegovine i Republike Turske o izbjegavanju dvostrukog oporezivanja u odnosu na poreze na dohodak i imovinu (resorno ministarstvo: Ministarstvo finansija i trezora BiH);
3. Davanje saglasnosti za ratifikaciju Međunarodne konvencije o zaštiti evropskih divljih vrsta i prirodnih staništa (resorno ministarstvo: Ministarstvo vanjske trgovine i ekonomskih odnosa BiH);
4. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FÜR ARBEIT UND WIRTSCHAFT UND ÖSTERREICHISCHE POSTSPARKASSE AKTIENGESELLSCHAFT- u vezi s projektom nabavke medicinske opreme za Kliničku bolnicu Mostar (resorno ministarstvo: Ministarstvo finansija i trezora BiH);

5. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FÜR ARBEIT UND WIRTSCHAFT UND ÖSTERREICHISCHE POSTSPARKASSE AKTIENGESELLSCHAFT- u vezi s projektom nabavke medicinske opreme za Dom zdravlja Mostar (resorno ministarstvo: Ministarstvo finansija i trezora BiH);
6. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FÜR ARBEIT UND WIRTSCHAFT UND ÖSTERREICHISCHE POSTSPARKASSE AKTIENGESELLSCHAFT- u vezi s projektom nabavke medicinske opreme za Kantonalnu bolnicu Safet Mujić, Mostar (resorno ministarstvo: Ministarstvo finansija i trezora BiH).

Ad. 1. Usvajanje zapisnika 19. i 27. sjednice Komisije

Predsjedavajući Slavko Matić obavijestio je članove Komisije da je, zbog dužeg bolovanja sekretara Komisije, Zapisnik 19. sjednice tek sada urađen, pa je stoga na dnevnom redu ove sjednice predviđeno njegovo usvajanje.

Nije bilo rasprave. Zapisnici 19. i 27. sjednice usvojeni jednoglasno, bez primjedbi.

Ad. 2. Davanje saglasnosti za ratifikaciju Sporazuma između Bosne i Hercegovine i Republike Turske o izbjegavanju dvostrukog oporezivanja u odnosu na poreze na dohodak i imovinu (resorno ministarstvo: Ministarstvo finansija i trezora BiH)

Predsjedavajući Komisije Slavko Matić zamolio je predstavnika resornog ministarstva da da više informacija o ovom sporazumu.

Meliha Ferhadbegović upoznala je članove Komisije o sadržaju Sporazuma, navodeći na koje poreze se on odnosi. Istaknula je da je članom 24. Sporazuma objašnjeno kako se otklanja dvostruko oporezivanje.

Rasprave nije bilo te su članovi Komisije jednoglasno usvojili mišljenje da se da saglasnost za ratifikaciju ovog sporazuma.

Ad. 3. Davanje saglasnosti za ratifikaciju Međunarodne konvencije o zaštiti evropskih divljih vrsta i prirodnih staništa, Bern, 19. septembra 1979. (resorno ministarstvo: Ministarstvo vanjske trgovine i ekonomskih odnosa BiH)

U ime Ministarstva vanjske trgovine i ekonomskih odnosa BiH, Senad Oprašić obrazložio je Konvenciju, navodeći da su je sve države članice Vijeća Evrope već prihvatile te da je njeno prihvatanje na neki način obaveza Bosne i Hercegovine prema EU. On je naveo da su osnovni ciljevi Konvencije da se sačuvaju divlja flora i fauna i prirodna staništa.

Milorad Živković postavio je pitanje kako ova konvencija utiče na zakonodavstvo, a Senad Oprašić odgovorio da se potpisivanjem Konvencije preuzimaju obaveze da se zakoni koji se odnose na zaštitu divlje flore i faune i prirodnih staništa usklade s ovom konvencijom.

Nije bilo rasprave.

Jednoglasno je usvojeno mišljenje da se da saglasnost za ratifikaciju Konvencije.

Ad. 4. Davanje saglasnosti za ratifikaciju Sporazuma o kreditu između između Bosne i Hercegovine i BAWAG P.S.K. BANK FÜR ARBEIT UND WIRTSCHAFT UND ÖSTERREICHISCHE POSTSPARKASSE AKTIENGESSELLSCHAFT- u vezi s projektom nabavke medicinske opreme za Kliničku bolnicu Mostar (resorno ministarstvo: Ministarstvo finansija i trezora BiH)

Na početku rasprave o ovoj tački Azra Hadžiahmetović sugerirala je da se tačke 4., 5. i 6. objedine pošto se odnose na istu tematiku, što je i prihvaćeno.

Nakon toga je predstavnik resornog ministarstva objasnio uslove za dobivanje kredita (kamate, način vraćanja kredita).

Budući da nije bilo rasprave, predsjedavajući Slavko Matić predložio je da se skupnim zaključkom da mišljenje za davanje saglasnosti za ratifikaciju sporazuma iz tački 4., 5. i 6. dnevnog reda.

Članovi Komisije jednoglasno su prihvatili prijedlog predsjedavajućeg, pa je tako usvojeno mišljenje da se da saglasnost za ratifikaciju sporazuma iz 4., 5. i 6. tačke.

Sjednica je završena u 11,40 sati.

Zapisnik sačinio:

Miroslav Stanišić, stručni saradnik u Komisiji za vanjske poslove.

Privremeni sekretar Komisije

Davorin Semenik

Predsjedavajući Komisije

Slavko Matić